

Til að ná og/eða nálgast þau markmið sem SKÍ hefur sett sér í afreksstefnu sinni hefur verið sett upp eftirfarandi aðgerðaráætlun SKÍ til næstu **4 ára (2019-2022)**

- **Ráðning afreksstjóra** í fullt starf (ráðinn í október 2018) – Ábyrgðaraðili: Stjórn SKÍ
 - Hefur umsjón með landsliðsverkefnum SKÍ og gerir tillögur um viðmið og lágmörk í samráði við landsliðsþjálfara og fagnefndir.
 - Vinnur að uppbyggingu í afreksmálum hjá félögum í samvinnu við þau.
 - Eflir alla upplýsingamiðlun, greiningu upplýsinga og öll samskipti við afreksmenn og félög.
- **Efla grasrótastarf aðildarfélaganna á landsvísi** (2019-2022) – Ábyrgðaraðili: Stjórn SKÍ
 - Hjálpa félögum í því að fjölga sínum iðkendum í flokkum 15 ára og yngri.
 - Skapa og hafa yfirumsjón með ýmsum verkefnum sem eru sérstaklega sköpuð til auka áhuga og ástundun ungra iðkenda. T.d. skólatengdum verkefnum o.þ.h.
- **Efla afreksstarf aðildarfélaganna** (2019-2022) – Ábyrgðaraðili: Stjórn SKÍ
 - Hjálpa félögum að geta betur hlúð að og þjálfað upp afreksefnin.
 - Menntun þjálfara, skipulag æfinga og afreksstarfsins, skilgreining á viðmiðum og kröfum sem gera á til getu og færni keppenda sem og þeirrar aðstöðu sem þarf að vera til staðar.
 - Skipuleggja og standa fyrir reglulegum samæfingum í öllum greinum.
- **Hefja samstarf í afreksstarfi með skíðasamböndum annarra þjóða** (2019-2020) - Ábyrgðaraðili: Stjórn SKÍ
 - Koma á góðu samstarfi í afreksstarfi við eina eða fleiri þjóðir með það að markmiði að bæta afreksstarf beggja aðila og nýta fjármunina sem í það fara betur.
- **Fagteymi SKÍ** - skipulagning og frágangur á öflugu fagteymi (fyrir lok árs 2018) – Ábyrgðaraðili: Stjórn SKÍ
 - Ráðning á hæfum einstaklingum til að vinna með afreksfólki SKÍ.
 - Fyrirbygging og meðhöndlun meiðsla – Fræðsla – Þátttaka í verkefnum, s.s. stórmótum.
 - Skilgreina á skýran hátt hlutverk fagteymisins sem og skilgreina hvaða afreksfólk SKÍ nýtur þjónustu fagteymis SKÍ og hvernig.
- **Samstarf við Háskólann í Reykjavík** (hefjist sumar/haust 2019) – Ábyrgðaraðili: Stjórn SKÍ
 - Mælingar og greiningar á líkamlegum þáttum afreksfólks SKÍ. Markmiðið með þessu er fyrst og fremst að gera alla líkamspjálfun afreksfólksins markvissari og hámarka þannig árangur þess og fyrirbyggja meiðsli.
 - Skráning þessara mælinga sem og gagna vegna meiðsla til að sjá þróun líkamsástands afreksfólks SKÍ yfir lengri tíma.
- **Skilgreina aðstöðu og þekkingu fyrir afreksstarf SKÍ** (fyrir lok 2019) – Ábyrgðaraðili: Stjórn SKÍ
 - Skilgreina og gera aðgengilega upplýsingar um þá aðstöðu og þekkingu sem þarf til að styðja við allt afreksstarf og landsliðsverkefni SKÍ.
 - Skapa þá aðstöðu sem þarf fyrir faglegru og markvissari stuðning við afreksstarfið.
- **Endanlegur frágangur á þjálfaramenntun** í öllum greinum (fyrir lok 2019) – Ábyrgðaraðili: Stjórn SKÍ
 - Klára að setja upp sérgreinahluta á námskeiðum „þjálfari 1“ og „þjálfari 2“ í öllum greinum sem byggt er upp eftir fræðsluskipulagi ÍSÍ.
 - Námskrá fyrir allar greinar sem segir til um þjálfunarmarkmið eftir aldri.
 - Kennsluskrá sem er skýr og langtímaplan um tímasetningar á námskeiðum.
- **Sýnileiki SKÍ** (2019-2021) – Ábyrgðaraðili: Stjórn SKÍ
 - Auka áherslu á aukna umfjöllun og sýnileika afreksstarfsins. Notast við verkfæri SKÍ eins og heimasíðu og samfélagsmiðla sem og aukna samvinnu með fjölmiðlum.
 - Vinna nánar með samstarfsaðilum SKÍ að sýnileika þeirra og SKÍ.

Til að ná og/eða nálgast þau markmið sem SKÍ hefur sett sér í afreksstefnu sinni hefur verið sett upp eftirfarandi aðgerðaráætlun SKÍ til næstu **5-10 ára (2023-2028)**

- **Ávallt leita leiða til að gera betur í afreksmálunum**
 - Þjóða landsliðum og afreksfólki SKÍ uppá eins faglega og heildstæða æfinga- og keppnis dagskrá á ársgrundvelli, eins og mögulegt er hverju sinni.
 - Leitast við að lágmarka tilkostnað fyrir afreksfólkið sjálf.
- **Stofna afrekssjóð SKÍ** – Ábyrgðaraðili: Stjórn SKÍ
 - Stofna afrekssjóð SKÍ í samvinnu við styrktaraðila (fyrir lok 2023).
 - Hugsað til að styrkja femsta afreksfólk SKÍ beint til að minnka þeirra eigin kostnað við æfingar og keppni.
- **Vinna markvisst að bættri æfinga og keppnisaðstöðu á Íslandi** – Ábyrgðaraðili: Stjórn SKÍ
 - Skilgreina nákvæmlega þá aðstöðu sem að nauðsynleg er til þess að félagin og SKÍ geti haldið úti góðu afreksstarfi á Íslandi í öllum keppnisgreinum.
 - Kynna þessi atriði vel fyrir bæjarfélögum, skíðasvæðum og öllum þeim aðilum sem að uppbyggingu og viðhaldi skíðasvæða landsins koma.
- **Skipuleggja og halda sterkari alþjóðleg mót á Íslandi en áður hefur þekkst** – Ábyrgðaraðili: Stjórn SKÍ
 - Koma á laggirnar sérstakri nefnd sem mun skoða hvaða möguleikar eru í þessum málum til langs tíma lítið.
 - Skoða t.d. að bjóða til landsins réttum aðilum, sem fara með stjórn þessara mála.